

SKUPŠTINA KANTONA SARAJEVO

ZAPISNIK SA
16. RADNE SJEDNICE SKUPŠTINE KANTONA SARAJEVO, ODRŽANE 01.06.2016.
GODINE SA POČETKOM RADA U 10,00 SATI

Sarajevo, juni 2016.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Kozadra Muhamed
7. Mešanović Safet
8. Okerić Elmedin

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Mehmedagić Mersiha
6. Pindžo Mirsad
7. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Lakota Rasim
4. Marić Zvonko
5. Rađo Dževad
6. Filipović Selma

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna
2. Šućur Slaviša

NAŠA STRANKA

1. Ćudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Pleho Haris
2. Rasim Smajić

SAMOSTALNI POSLANICI/ZASTUPNICI

1. Bjelak Nermin
2. Aljović Hamed
3. Mekić Amel
4. Pecikoza Fahrudin

TOK SJEDNICE

16. Radnu sjednicu Skupštine Kantona Sarajevo otvorila je predsjedateljica Ana Babić dana 01.06. 2016.godine u 10,00 sati.

Prema evidenciji Službe, sjednici je prisustvovalo 29 zastupnika što je sasvim dovoljan broj za punovažan rad i odlučivanje.
Izostanak sa ove Sjednice opravdali su Halilović Semir, Mašović Amor i Fikret Prevljak.
Kašnjenje su najavili Kemal Ademović i Rasim Smajić.

UTVRĐIVANJE DNEVNOG REDA

1. Zastupnička pitanja, inicijative i odgovori;
2. Prijedlog zakona o izmjenama i dopuni Zakona o sudskim taksama – skraćeni postupak;
3. Prijedlog zakona o izmjenama i dopunama Zakona o administrativnim taksama također skraćeni postupak; (Može li malo tiše kolege počeli smo već, dugo kasnimo).
4. Nacrt zakona o osnovnom odgoju i obrazovanju;
5. Nacrt zakona o srednjem obrazovanju;
6. Nacrt zakona o inspekcijama Kantona Sarajevo;
7. Nacrt zakona o prijavljivanju, porijeklu i kontroli imovine izabраних dužnosnika, nositelja izvršnih funkcija i savjetnika u Kantonu Sarajevo;
8. a) Prijedlog odluke o potvrđivanju razrješenja vršilaca dužnosti predsjednika i članova Skupštine Javnog preduzeća „Televizije Kantona Sarajevo“ d.o.o. Sarajevo;
b) Prijedlog odluke o potvrđivanju imenovanja predsjednika i članova Javnog preduzeća „Televizija Kantona Sarajevo“ d.o.o. Sarajevo;
9. Izvještaj o poslovanju KJKP za 2015. godinu:
 - a) „Sarajevogas“ d.o.o Sarajevo;
 - b) „Tržnice – Pijace“ d.o.o. Sarajevo;
 - c) „Park“ d.o.o Sarajevo;
 - d) „Pokop“ d.o.o Sarajevo;
 - e) „Rad“ d.o.o Sarajevo ;
 - f) „Vodovod i Kanalizacija“ d.o.o Sarajevo;
 - g) „Toplane Sarajevo“ d.o.o Sarajevo;
10. Izvještaj o radu i finansijskom poslovanju JU „ Službe za zapošljavanja Kantona Sarajevo“ za period 01.01. – 31.12. 2015. godine, sa priložima i izvještajima o izvršenju finansijskog plana prihoda i izdataka JU „Služba za zapošljavanje Kantona Sarajevo“ za period 01.01. – 31.12. 2015. godine;
11. Izvještaj o stanju u oblasti zapošljavanja u Kantonu Sarajevo za 2015. godine;
12. Izvještaj o realizaciji Plana povratka u i iz Kantona Sarajevo za period 01.01 – 31.12.2015. godine, sa osvrtom na problematiku obezbjeđenja alternativnog – privremenog smještaja i Plana povratka u i iz Kantona Sarajevo za 2016. godinu;

Za ovaj dnevni red je glasalo 30 zastupnika, protiv ništa, suzdržano ništa, te je Skupština usvojila dnevni red za 16. Radnu sjednicu.

AD-1

Zastupnička pitanja, inicijative i odgovori

Poslanik/zastupnik Aljović Hamed je uputio pitanje Ministarstvu privrede Kantona Sarajevo. „Molim Ministarstvo privrede Kantona Sarajevo da mi odgovori da li je i kada Vlada Kantona Sarajevo imenovala komisiju za javno privatno partnerstvo, ko su članovi komisije koliko je od formiranja održano sjednica komisije i koliko su mjesečne nadoknade članovima komisije“.

Poslanica/zastupnica Avdibegović Neira je izrazila nezadovoljstvo činjenicom da nije dobila odgovore na svoja zastupnička pitanja koja je postavila na martovskoj sjednici Skupštine Kantona Sarajevo ocjenjujući da je prošlo sasvim dovoljno vremena za odgovore, a tiču se

najranjivije kategorije našeg društva osoba sa invaliditetom. Prvo pitanje se odnosilo na podršku slijepim i slabovidnim osobama koje prema uredbi o obimu uslovima i načinu ostvarivanja prava osiguranih lica na korištenje ortopedskih i drugih pomagala mogu ostvariti pravo samo na tamne naočale, govorni toplomjer i bijeli štap za koje primjerice nije obezbjeđena obuka za njihovo korištenje. To ne može ni približno zadovoljiti sve potrebe ovih osoba koji zbog težine i vrste invaliditeta imaju mnogo teškoća u organizovanju svakodnevnog života. Stoga ponavlja pitanje upućeno Vladi i Ministarstvu zdravstva da li se poduzimaju aktivnosti sa ciljem unapređenja u ovoj oblasti kako bi se osigurali što bolji uslovi života osobama sa navedenom vrstom invaliditeta.

Drugo pitanje, također je upućeno Ministarstvu zdravstva Kantona Sarajevo na koje nije dobila odgovor glasilo je kada će se konačno pristupiti rješavanju problema stomatoloških usluga za osobe za težim invaliditetom posebno za djecu sa posebnim potrebama. Naime, stomatološki zahvat kod djece sa posebnim potrebama radi se pod općom anestezijom. Popravak zuba pod općom anestezijom u BiH trenutno se radi u Mostarskom karitasovom centru Sveta Obitelj gdje odličan tim stomatologa i anesteziologa obavlja zahvat ove vrste. Kako je ovo za sad jedina ustanova tog tipa u Bosni i Hercegovini liste čekanja su sve duže i duže. Također i Trebinje i Banja Luka su pokrenule određene aktivnosti u prošloj godini za rješavanje ovog problema. Klinički centar u Sarajevu u saradnji sa stomatološkom klinikom ima potrebnu opremu ali iz nekog razloga se ovi zahvati ne obavljaju. Dakle, roditelji čija su djeca zdrava imaju zagarantovanu zdravstvenu uslugu, a roditelji djece sa posebnim potrebama je ne mogu iskoristiti. Smatrajući da je krajnje vrijeme da se ovaj problem počne rješavati, moli Ministarstvo da u što kraćem periodu odgovori na postavljeno pitanje.

Vladi Kantona Sarajevo i Agenciji za privatizaciju Kantona Sarajevo je uputila zastupničko pitanje: „Molim da mi se dostavi detaljna informacija o postupku sprovedbi privatizacije kompanije „Magros veletrgovina“. Da li je postupak privatizacije okončan i da li je rađen u skladu sa Zakonom o privatizaciji. Zahtjevam od agencije za privatizaciju Kantona Sarajevo da mi dostavi na uvid kompletnu dokumentaciju vezanu za ovaj predmet“.

Poslanik/zastupnik Čelik Mirza je iskazao svoje zadovoljstvo i zadovoljstvo zastupnika SDA a pretpostavlja i svih ostalih zastupnika na jučerašnji sastanak sa predstavnicima OSC-a predvođenim šefom Jonathanom Moore-om na temu borbe protiv korupcije u Kantonu Sarajevo. Provedba projekta ureda koordinacije OSC-a za ekonomski okolišne aktivnosti ureda za demokratske institucije ljudska prava pod nazivom „Novac u policiji“ bio je povod jučerašnjeg sastanka premijera Kantona Sarajevo Elmedina Konakovića i predsjednika tima za monotoriju i koordinaciju provođena akcionog plana za borbu protiv korupcije Vlade Kantona Erduana Kafedžića sa predstavnicima misije Osc-a predvođeni šefom Jonathonom Moore-om. I ovog puta šef misije OSC-a u BiH Moore ponovio je dio iz izvještaja kojeg je izdao nedavno u Washingtonu na saslušanju o temi borbe protiv korupcije u BiH-a organizovanog od strane helšinske komisije Sjedinjenih Američkih Država, a u kojem je istakao pozitivan primjer Kantona Sarajevo njegove Vlade, te tužilastva Kantona Sarajevo i glavne tužiteljice Dalide Burzić u poduzimanju konkretnih aktivnosti u borbi protiv korupcije. Citirao je izjavu Moor-a: „Ova borba je konstantan proces i mora se razvijati u svim pravcima uz prisustvo transparentnosti i javnosti rada koji će pomoći da se istakne to što vi dobro radite, jer nam je cilj da se ovo proširi i vidi u cijeloj Bosni i Hercegovini“.

Poslanik/zastupnik Čomor Eldar je zaražio od Ministarstva financija Kantona Sarajevo da da obrazloženje i objašnjenje člana 2. ugovora o stupanju bankarskih poslova sačinjenog 21.9.1999. godine između tog ministarstva i UPI banke d.d Sarajevo, a član 2 glasi: Ministarstvo banci ustupa 50 % naplaćene kamate na ime naknade za obavljanje bankarske poslove koje će banka naplatiti od svake uplate dužnika. Knjiženje naplata i naknada vršit će se dnevno. Banka će pratiti sredstva naplate i sredstva kamate. Zavisno od odgovora ministarstva poduzeće se naredne aktivnosti i koraci.

Poslanik/zastupnik Delalić Sabahudin je podnio inicijativu kojom traži, da Vlada Kantona putem Ministarstva koja imaju nadležnost nad Kantonalnim Javnim preduzećima,

ustanovama i fondovima naloži nadzornim i upravnim odborima da izmjeni akte koji regulišu pitanje radnih odnosa u dijelu koji se odnosi na prijem uposlenika. Tako da se prijem u radni odnos vrši isključivo putem javnog konkursa, oglasa u cilju prijema najboljih kandidata. Također se zahvalio resornim ministrima odnosno Ministarstvu koji su reagovali na pomjeranje kontejnera u Radićevoj ulici koji su se nalazili na parking mjestima za osobe sa invaliditetom.

Poslanik/zastupnik Dovadžija Amar je uputio inicijativu prema Ministarstvu unutrašnjih poslova Kantona Sarajevo da u što kraćem roku izdvoji planirana budžetska sredstva za 2016. godinu namjenjena za rekonstrukciju objekta policijske uprave Ilijaš u Srednjem. U obrazloženju je istakao da zbog teritorijalne specifičnosti općine Ilijaš koja se prostire na 309 metara kvadratnih od čega 2/3 na i oko područje mjesne zajednice Srednje koja je najbliža mjesna zajednica policijskoj upravi Ilijaš, a čija udaljenost iznosi 30 kilometara, a udaljenosti od većine okolnih mjesnih zajednica iznosi od 45 do 60 km što uveliko otežava kvalitetan rad policijske uprave Ilijaš. Opremanje i stavljanje u pogon pomenutog objekta uveliko bi pomogao policijskoj upravi Ilijaš u suzbijanju kriminaliteta na tom području, a posebno suzbijanje učestalih krađa.

Poslanik/zastupnik Forto Edin je uputio pitanje prema Vladi Kantona Sarajevo. Radi se o hotelu Nacional. Ovo je pitanje bilo u prethodnim sazivima pominjano al htio bi sada da aktualizira opet ovo pitanje. Istakao je da se jedan dio ovog hotela koristi za potrebe učenika srednje škole ugostiteljske i zna se u kakvom je naletu i kakvom je rastu turistički sektor u Sarajevu. Smatra da je vrlo bitno da se ovo pitanje što prije riješi. Ustvari, ovim pitanjem zahtjeva informaciju koji je status ovog hotela, šta Vlada Kantona namjerava uraditi s njim? Da li postoji studija, a zna se da postoji jedna stara studija o revitalizaciji ovog objekta. Zanima ga da li postoji neka nova studija i koje su namjere ove Vlade po pitanju ovog objekta, koji ne samo da predstavlja jednu vrstu tradicije nego je i vrlo konkretna pomoć za unaprijeđenje turističke ponude i turističkog sektora u Kantonu? Zato moli da se pismeno dostavi ova informacija kako bi mogli postupati dalje.

Drugo pitanje je vezano za firmu „Vodovod i Kanalizacija“. Htjeli bi pismeni odgovor od Ministra komunalne privrede. Koliko ljudi je zaposleno u prethodne dvije godine u ovoj firmi, koje su struke ti ljudi, te da se dostavi sistematizacija radnih mjesta ove firme kao i da se dostavi dokumentacija o provedenim konkursnim procedurama za primljene ljude u ovoj firmi u protekle dvije godine.

Poslanik/zastupnik Marić Zvonko je pitao u vezi statusa hotela „Maršal“ na Bjelašnici iz razloga što taj hotel već 14 mjeseci nema upravljačke strukture. Privremena upraviteljica je inače zaposlenica propale firme ZOI , koja je inženjer za prehranu, a u hotelu ima menadžerski ugovor. Istakao je da Vlada Kantona Sarajevo i svi zajedno ništa nisu uradili osim činjenice da je upisano sa 2000 KM kapitala, nije provedena ni odluka Kantona da se također kao suosnivač ili suvlasnik upiše i Federacija, i gore je stanje zaista neizdrživo. Ako ti kapaciteti ne mogu biti dovedeni u sistem, ne zna zašto onda da se razgovara. 14 mjeseci nema upravljačkih struktura. Rukovodi osoba koja već ima zaposlenje a menadžerski ugovor tamo. Smatra da je to je nonsens i svojevrsna nepravilnost i naravno da pobuđuje sumnje i zaposlenika ali i ljudi koji znaju za takvu situaciju. Moli da mu se odgovori na to pitanje, zašto je to tako, da se ne bi nagađalo, možda da se otklone špekulacije koje su prisutne u javnosti. Sljedeće pitanje postavljeno je ministru kulture i sporta. Prilikom boravka u Trnovu u delegaciji Vlade Kantona Sarajevo i Skupštine, kojem je prisustvovala i predsjedateljica, obećano je 200 000 KM za sportsku dvoranu na Bjelašnici. S tim da će sufinansirati tu sportsku dvoranu sa 200 000 KM dodatno i općina Trnovo koja je poprilično siromašna, pa ga interesira da li će biti zaista realiziran taj projekat iz prostog razloga što bi poboljšao sadržaj i ponudu Bjelašnice olimpijske, jer sjeća se da su u predratnom periodu mnoge sportske ekipe obavljale mnoge takozvane visinske pripreme na Bjelašnici jer su imali kapaciteta da to rade. Također je istakao da je Općina Trnovo je jedina općina koja nije dobila nikakve novce po osnovu eksploatacije šuma, puteva i tako dalje. Misli da je dobra

gesta koju je u razgovoru sa njim načelnik ispoljio da bi ta sredstva izdvojio za narodnu kuhinju u najmnogoljudnijoj općini Novi Grad, pa bi volio da se i oko toga izjasni Vlada i resorni Ministar.

Poslanica/zastupnica Mehmedagić Mersiha je pokrenula inicijativu prema Ministarstvu za obrazovanje, nauku i mlade Kantona Sarajevo koja glasi: „Molim Ministarstvo za obrazovanje i nauku mlade Kantona Sarajevo da ispita rješenje o prestanku radnog odnosa između osnovne škole Skender Kulenović Dobrinja i profesorice biologije, nakon više od 6 godina neprekidnog radnog staža. Tražim da se dostave podaci o svim zaključenim ugovorima od 2009. godine do danas i zabrani prijem novog uposlenika na mjesto profesora biologije do okončanja navedenog postupka. Također, tražim od Ministarstva da pribavi podatke o zaključenim ugovorima na određeno vrijeme u svim školama u navedenom periodu, a prioritetno u onim koji iskazuju potrebe za novim upošljavanjem kako bi se spriječila mogućnost ugrožavanja radno pravnog statusa uposlenika koji se možda nalaze u sličnoj situaciji. Obrazloženje je sljedeće: Na osnovu nezakonitih radnji uočenih iz odgovora na okolnosti iz predstavke broj predmeta UP-1-14-09-34-17 O22/15, te uvjerenje federalnog Zavoda za penziona i invalidsko osiguranje o podacima registrovanim u matičnoj evidenciji i radne knjižice pomenute profesorice. Evidentno je da je prekršen Zakon o radu Federacije Bosne i Hercegovine jer je nakon dvije godine neprekidnog staža uposlenica trebala potpisati ugovor na neodređeno vrijeme. Činjenica da se ovakve stvari dešavaju u javnoj ustanovi pa još obrazovnoj govori da je sistem kontrole i sankcije zakazao i da ga hitno treba mjenjati. Stoga smatram da je neophodno prije odobravanja novih upošljavanja pribaviti podatke u ugovorima na određeno u cilju zaštite prava postojećih uposlenik. To su ljudi koji uče našu djecu, a godinama žive u strahu hoće li njihova djeca imati hljeb nakon svakog namjernog prekida ugovora prije nego se ispuni uvijeti za trajno rješavanje radnopravnog statusa“.

Poslanik/zastupnik Rađo Dževad je svoje pitanje uputio Ministarstvu privrede odnosno ministru Muharemu Šabiću. „U kojoj je fazi zakon o izmjenama i dopunama Zakona o geološkom istraživanjima? Prijedlog zakona koji je dat na javnoj raspravi je neprihvatljiv od strane privrednika i svih institucija koji podliježu ovom Zakonu. Privrednici, svi zavodi su napravili Prijedlog zakona koji je prihvatljiv i primjenjiv te isti dostavili Ministarstvu privrede u februaru 2016. godine ali nikada nisu dobili povratnu informaciju. Primjenom postojećeg Zakona od dana donošenja za sve objekte koje su izgrađene u Kantonu Sarajevo pravno je nemoguće ishodovati odobrenje za građenje, što znači da su svi objekti izgrađeni nelegalno. Postojeći Zakon nalaže da se prilikom izvođenja geotehničkih radova ishoduje urbanistička saglasnost za te radove, a nadležne institucije za izdavanje urbanističke saglasnosti općine odnosno Ministarstvo ne poznaje termin urbanistička saglasnost za istražne radove. Sve ovo je suviše iz razloga što je urbanističkoj saglasnosti za građevinski objekat nalaže izvođenje geotehnički istražnih radova“. U prilogu pitanja dostavlja Prijedlog zakona o izmjenama i dopunama Zakona o geološkim istraživanjima koji su uputili privrednici i zavod te obrazac zahtjeva za izdavanje urbanističke saglasnosti.

Poslanica/zastupnica Srna Bajramović Segmedina je postavila pitanje Vladi Kantona Sarajevo, Ministrici zdravstva, Zavodu zdravstvenog osiguranja Kantona Sarajevo i Zdravstvenim ustanovama u Kantonu Sarajevo i moli odgovor u pisanoj formi, a ono glasi: „Kada možemo očekivati poduzimanju urgentnih mjera od strane Vlade Kantona Sarajevo, Ministarstvo zdravstva Kantona Sarajevo, Zavoda zdravstvenog osiguranja Kantona Sarajevo, Zdravstvenih ustanova u Kantonu Sarajevo, odnosno izdavanje pismenih naredbi od strane nadležnih organa u Kantonu, a u cilju sređivanja aktuelne situacije u pogledu zbrinjavanja bolesnika na primarnom, sekundarnom i tercijarnom nivou zdravstvene zaštite u Kantonu Sarajevo, odnosno uspostavu adekvatne organizacije zbrinjavanje redovnih i urgentnih bolesnika u Kantonu Sarajevo?“

Obrazloženje: Ljekarska komora Kantona Sarajevo je na svojoj sjednici održanoj 16.5.2016. godine razmatrala aktuelnu situaciju u oblasti zdravstva Kantona Sarajevo te tom prilikom upozorila da su ugrožni život i zdravlje pacijenata u Kantonu Sarajevo zbog neadekvatne

organizacije zbrinjavanje redovnih i urgentnih bolesnika u Kantonu Sarajevo. Napominjem da je u javnosti plasirana vijest da se svi urgentni pacijenti u Kantonu Sarajevo ponedjeljkom i petkom upućuju u opću bolnicu prim. Abdulah Nakaš Sarajevo, a ostalim danima u Klinički Centar. Veliki broj pacijenata koji se upućuju u bolnicu prim. Abdulah Nakaš nije adekvatno zbrinut na nivou primarne zdravstvene zaštite, ili se pak s nivoa Kliničkog Centra upućuju u navedenu opću bolnicu prema uspostavljenom sedmičnom kalendaru ponedjeljak, petak opća bolnica, ostali dani Klinički Centar, ne vodeći računa da li je u pitanju pacijent koji se objektivno treba zbrinuti na nivou tercijarne zdravstvene zaštite. Kada je riječ o Zavodu za hitnu medicinsku pomoć Kantona Sarajevo, sad je isti samo besplatna transportna služba za najveći broj pacijenata koji to koriste i ne žele da idu svom izabranom liječniku porodične medicine, osim toga bespotrebno se usmjeravaju pacijenti i u urgentne centre bolnica. Ponekad je to iz razloga jer pacijent u bolnicama za vrijeme radnog vremena ne dobiju potrebne usluge ili pak postoje liste čekanja za te usluge. Hitna služba dobro radi reanimaciju i to im je prvi zadatak, spašavanje života. Ovih dana u javnosti se oglašava i Klinički Centar navodeći da isti obavlja samo zdravstvene usluge tercijarnog nivoa zdravstvene zaštite za što posjeduje rješenje izdato od ranijeg Federalnog ministra zdravstva od 24.03.2014. godine. Međutim zanemaruju da su dana 17.03.2014. godine od ranijeg Federalnog ministra zdravstva dobili rješenje o ispunjavanju uvijeta za sekundarnu zdravstvenu zaštitu koja datira od 17.03. Iz izloženog slijedi da je Klinički Centar beneficiran za obavljanje i sekundarnih i tercijarne zdravstvene zaštite, a da sa Zavodom zdravstvene osiguranja Kantona Sarajevo imaju zaključen ugovor o pružanju zdravstvene zaštite osiguranicima Kantona Sarajevo bez navođenja nivoa zdravstvene zaštite. Ovo što se sad trenutno radi sa pacijentima u Kantonu Sarajevo je najgore za pacijente, jer isti prolaze kroz tri ruke primarni, sekundarni i tercijarni nivo svi troše sredstva namijenjena za liječenje pacijenata iz Zavoda zdravstvenog osiguranja, a pacijent najgore prođe u zdravstvenom sistemu u Kantonu Sarajevo“.

Poslanik/zastupnik Vukasović Mario je uputio pitanje Ministarstvu obrazovanja nauku i mlade Kantona Sarajevo i Vladi Kantona Sarajevo.

„Želim vam, da vas upoznam da se u studentskim domovima trenutno vrši zastrašivanje svih studenata koji su usudili progovoriti protiv direktora Kadrića. Ti studenti su se usudili javno reći da je stanje doma katastrofalno i nakon nekoliko dana njih je dočekala opomena pred isključenje iz domova. Student Haris Silajdžić iz Goražda je dobio opomenu pred isključenje iz studentskih domova zbog izazivanja buke i nemira u svojoj sobi iako taj dan uopće nije bio u Sarajevu nego kući u Goraždu. U opomeni koju je dobio navodi se da je policija dolazila i pravila zapisnik o događajima te da će biti isključen iz domova u koliko se nešto slično ponovi. Haris je otišao u policijsku stanicu da provjeri navode u prijavi i tamo su mu rekli da nemaju apsolutno nikave prijave u domovima za taj datum koji se navodi i da nisu zaprimili uopšte nikakv poziv. Na direktorovu nesreću, čovjek je taj dan preuzimao vozačku dozvolu u Goraždu i išao na trening stolnog tenisa, te je cijeli vikend proveo u Goraždu za što posjeduje i materijane dokaze iz Ministarstva unutrašnjih poslova, te niz svjedoka koji mogu potvrditi da je on zaista bio u Goraždu taj vikend. Upućujem inicijativu Ministarstvu obrazovanja da provjeri sve ove navode, te da pokrene radnje u svojoj nadležnosti ako se utvrdi da je direktor vrši ovakvu nedopustivu vrstu pritisaka na studente. Molimo vas da izvjestite Skupštinu u narednih mjesec dana da li su ove tvrdnje tačne te koje su radnje poduzete. Također bi zamolio Ministra obrazovanja ako može ukratko samo da nas upozna šta se trenutno dešava u studentskim domovima, šta radi upravni nadzorni odbor te kada ćemo konačno na dnevnom redu imati finansijske izvještaje za 2014. i 2015. godinu jer inicijativa je izglasana već prije dva ipo mjeseca“.

AD-2

Prijedlog zakona o izmjenama i dopuni zakona o sudskim taksama – skraćeni postupak.

Predsjedateljica je u skladu sa članom 158. stav (2) poslovnika Skupštine Kantona Sarajevo zamolila predstavnika Predlagača da ukratko obrazloži razloge za donošenje ovog Prijedloga zakona o skraćenom postupku.

Ministar Halebić Jasmin je istakao da su razlozi skraćenog postupka spomenuti u članu 157. poslovnika Skupštine Kantona Sarajevo u kojem je predviđeno da se propisi koji ne tretiraju složenu izmjenu zakona mogu donositi po skraćenom postupku.

Skupština je jednoglasno 27 ZA prihvatila ovaj prijedlog da se pretres prijedloga zakona o izmjenama i dopuni zakona o sudskim taksama provedene po skraćenom postupku.

U raspravi koja je uslijedila učešće su uzeli: Avdibegović Neira i Halebić Jasmin.

Pristupilo se izjašnjavanju o prijedlogu Zakona o izmjenama i dopuni zakona o sudskim taksama.

Predsjedateljica je konstatirala da je Skupština donjela Zakon o izmjenama i dopuni zakona o sudskim taksama, ZA je glasalo 25 zastupnika protiv ništa suzdržano ništa.

AD-3

Prijedlog zakona o izmjenama i dopunama zakona o administrativnim taksama

Predsjedateljica je u skladu sa članom 158. stav (2) poslovnika Skupštine Kantona Sarajevo zamolila predstavnika Predlagača da ukratko obrazloži razloge za donošenje ovog Prijedloga zakona po skraćenom postupku.

Ministar Halebić Jasmin je ponovio isto, dakle i u ovom slučaju nije riječ o značajnim i složenim izmjenama i dopunama. Također je istakao da se Bosna i Hercegovina opredijelila za unapređenje poslovnog okruženja. Napredak na tom putu, dakle unapređenja poslovnog okruženja se mjeri globalnim izvještajima. Jedan od tih globalnih izvještaja je takozvani izvještaj o lakoći poslovanja ili poznatijim pod engleskim nazivom „Doing Business“ izvještaj. Podaci za taj „Doing business“ izvještaj se prikupljaju u svim zemljama jer je riječ o globalnom izvještaju do polovine godine. Dakle, do 30.06. da bi se prikupili podaci oni moraju biti objavljeni u službenim novinama svih zemalja, prema tome kada se dokumentuje napredak, a želi se kroz ova dva zakona dokumentovati napredak u ovoj oblasti, neophodno je da se izmjene i dopune zakona zaključno sa 30.06. objave u Službenim novinama.

Premijer Konaković Elmedin je imao jednu dilemu kojom Zakonodavno-pravna komisija traži da se skraćeni postupak pretvori u hitni kako bi autentično tumačenje ovog zakona bilo sastavni dio zakona.

Po ovlaštenju sekretar Kulovac Šetkić Almira je u svom izlaganju pojasnila da Zakonodavno-pravna komisija predlaže da se Zakon razmatra po hitnom postupku jer u tom slučaju Vlada na isti može amadmanski djeluje.

U raspravi koja je uslijedila učestvovali su: Pindžo Mirsad, ministar Halebić Jasmin, Kojović Predrag, Premijer Konaković Elmedin i Šućur Slaviša.

Pristupilo se glasanju. Predsjedavajuća je konstatirala da je 24 poslanika/zastupnika glasalo za da se Zakon razmatra po hitnom postupku.

Ova tačka je odložena dok se Vlada o njoj ne izjasni.

AD-4

Nacrt zakona o osnovnom odgoju i obrazovanju;

Nacrt zakona su zastupnici dobili uz poziv za sjednicu. Uvodne napomene o ovom Nacrtu podnio je Ministar Kazazović Elvir.

U raspravi koja je uslijedila učestvovali su : Aljović Hamed, Pleho Haris, Ministar Kazazović Elvir, Čomor Eldar, Vukasović Mario, Marić Zvonko, Šućur Slaviša, Premijer Konaković Elmedin.

Predsjedateljica Babić Ana je predložila sljedeće Zaključke:

1. Utvrđuje se Nacrt zakona o osnovnom odgoju i obrazovanju.
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o osnovnom odgoju i obrazovanju.

Skupština je sa 31 glasom ZA donijela ove zaključke.

AD-5

Nacrt zakona o srednjem obrazovanju;

Nacrt zakona poslanici su dobili uz materijal za sjednicu Skupštine. Uvodne napomene podnio je Ministar Kazazović Elvir.

U raspravi su učestvovali : Vukasović Mario, Marić Zvonko i Ministar Kazazović Elvir.

Predsjedateljica Babić Ana je predložila sljedeće Zaključke:

1. Utvrđuje se Nacrt zakona o srednjem obrazovanju.
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži pojedine primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćena u pripremi Prijedloga zakona o srednjem obrazovanju.

Skupština je sa 31 glasom ZA donijela ove zaključke.

AD-6

Nacrt Zakon o inspekcijama Kantona Sarajevo.

Nacrt zakona zastupnici su dobili uz poziv za sjednicu.

Uvodne napomene podnio je Ministar Nenadić Mario.

U raspravi koja je uslijedila učestvovali su: Marić Zvonko, Čomor Eldar, Ministar Nenadić Mario, Ćesir Heni Erduan direktor, Čomor Eldar, Mehmedagić Mersiha, Šućur Slaviša i Pindžo Mirsad.

Predsjedateljica Babić Ana je zaključila raspravu i predložila sljedeće Zaključke:

1. Utvrđuje se Nacrt zakona o inspekcijama Kantona Sarajevo.
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o inspekcijama Kantona Sarajevo.

Skupština je sa 31 glasom ZA donijela ove zaključke.

NASTAVAK NAKON PAUZE

AD-7

Nacrt zakona o prijavljivanju, porijeklu i kontroli imovine izabраниh dužnosnika, nositelja izvršnih funkcija i savjetnika u Kantonu Sarajevo.

Predlagač ovog zakona Kojović Predrag podnio je uvodno izlaganje.

U raspravi koja je uslijedila učestvovali su: Ministar Nenadić Mario, Pindžo Mirsad, Premijer Konaković Elmedin, Kojović Predrag.

Predsjedateljica Babić Ana je na kraju predložila da Skupština usvoji sljedeće Zaključke:

1. Utvrđuje se Nacrt zakona o prijavljivanju porijekla i kontroli imovine izabраниh dužnosnika, nositelja izvršnih funkcija i savjetnika u Kantonu Sarajevo.
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 60 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se predlagaču Predragu Kojoviću koji organizuje i provodi javnu raspravu.
4. Predlagač je dužan da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o prijavljivanju, porijeklu i kontroli imovine izabраниh dužnosnika, nositelja izvršnih funkcija i savjetnika u Kantonu Sarajevo.

Skupština je sa 22 glasa ZA i 8 SUZDRŽANIH donijela ove zaključke.

NASTAVAK TAČKE AD-3

Zastupnicima su podjeljeni Amandmani Vlade na Prijedlog zakona o izmjenama i dopunama Zakona o sudskim taksama.

Nije bilo prijavljenih za učešće u raspravi te se pristupilo izjašnjavanju.

Skupština je sa 30 glasova ZA donijela PRIJEDLOG ZAKONA O IZMJENAMA I DOPUNAMA ZAKONA O ADMINISTRATIVNIM TAKSAMAMA.

AD-8

- a) **Prijedlog odluke o potvrđivanju razrješenja vršilaca dužnosti predsjednika i članova Skupštine javnog preduzeća „Televizije Kantona Sarajevo“ d.o.o. Sarajevo;**
- b) **Prijedlog odluke o potvrđivanju imenovanja predsjednika i članova Skupštine Javnog preduzeća „Televizije Kantona Sarajevo“ d.o.o. Sarajevo;**

Predsjedateljica je predložila da se o Prijedlozima odluka obavi jedinstvena rasprava, a izjašnjavanje pojedinačno.

Za je glasalo 29 zastupnika, protiv ništa i suzdržano ništa.

U raspravi koja je uslijedila učešće je uzeo: Marić Zvonko
Pristupilo se pojedinačnom glasanju o Prijedlogu odluke o potvrđivanju razrješenja vršioca dužnosti predsjednika i članova skupštine javnog preduzeća: „Televizija Kantona Sarajevo „ d.o.o Sarajevo

Za je glasalo 21 zastupnik, protiv ništa i suzdržano 5.

Pristupilo se pojedinačnom glasanju o Prijedlogu odluke o potvrđivanju imenovanja predsjednika i članova skupštine javnog preduzeća „Televizije Kantona Sarajevo“ d.o.o. Sarajevo

Za je glasalo 19 zastupnika, protiv 2 i suzdržano 7.

AD-9

Izvještaj o poslovanju KJKP za 2015. godinu:

- a) **„Sarajevogas“ d.o.o. Sarajevo;**
- b) **„Tržnice-Pijace“ d.o.o. Sarajevo;**
- c) **„Park“ d.o.o. Sarajevo;**
- d) **„Pokop“ d.o.o. Sarajevo;**
- e) **„Rad“ d.o.o. Sarajevo ;**
- f) **„Vodovod i kanalizacija“ d.o.o. Sarajevo;**
- g) **„Toplane-Sarajevo“ d.o.o. Sarajevo;**

Predsjedateljica je predložila da se o Prijedlozima odluka obavi jedinstvena rasprava, a izjašnjavanje pojedinačno, što su poslanici podržali sa 28 glasova.

U raspravi koja je uslijedila učestvovali su: Forto Edin, Mešanović Safet, Pindžo Mirsad i Kozadra Muhamed.

a)

Pristupilo se izjašnjavaњу o Izvještaju o poslovanju za 2015. godinu KJKP „Sarajevogas“ d.o.o. Sarajevo

Za su glasala 22 zastupnika, protiv ništa, suzdržano 6.
Skupština je usvojila ovaj izvještaj.

b)

Pristupilo se izjašnjavaњу o Izvještaju o poslovanju za 2015. godinu KJKP „Tržnice pijace“ d.o.o. Sarajevo

Za su glasala 22 zastupnika, protiv ništa, suzdržano 6.
Skupština je usvojila ovaj izvještaj.

c)

Pristupilo se izjašnjavaњу o Izvještaju o poslovanju za 2015. godinu KJKP „PARK“ D.O.O. SARAJEVO

Za je glasalo 5 zastupnika, protiv ništa i suzdržano 23.

Skupština nije usvojila ovaj izvještaj.

d)

Pristupilo se izjašnjavaњу o Izvještaju o poslovanju za 2015. godinu KJKP „POKOP“ D.O.O. SARAJEVO

Za je glasalo 2 zastupnika, protiv ništa i suzdržano 26.

Skupština nije usvojila ovaj izvještaj

e)

Pristupilo se izjašnjavaњу o Izvještaju o poslovanju za 2015. godinu KJKP „RAD“ D.O.O. SARAJEVO

Za su glasala 23 zastupnika, protiv ništa, suzdržano 5.

Skupština je usvojila ovaj izvještaj.

f)

Pristupilo se izjašnjavaњу o Izvještaju o poslovanju za 2015. godinu KJKP „VODOVOD I KANALIZACIJA“ D.O.O. SARAJEVO

Za je glasalo 19 zastupnika, protiv 4 i suzdržano 5.

Skupština je usvojila ovaj izvještaj.

g)

Pristupilo se izjašnjanju o Izvještaju o poslovanju za 2015. godinu KJKP „TOPLANE-SARAJEVO“ D.O.O. SARAJEVO

Za je glasalo ništa zastupnika, protiv 3 i suzdržano 25.

Skupština nije usvojila ovaj izvještaj

AD-10

Izvještaj o radu i finansijskom poslovanju JU "Služba za zapošljavanje Kantona Ssarajevo" Sarajevo za period 01.01. - 31.12.2015. godine, sa priložima i Izvještaj o izvršenju finansijskog plana prihoda i izdataka JU "Služba za zapošljavanje Kantona Sarajevo" Sarajevo za period 01.01. - 31.12.2015. godine;

Kako nije bilo rasprave pristupilo se izjašnjanju o Izvještaju o radu i finansijskom poslovanju JU "Služba za zapošljavanje Kantona Sarajevo" Sarajevo za period 01.01. - 31.12.2015. godine, sa priložima i Izvještaj o izvršenju finansijskog plana prihoda i izdataka JU "Služba za zapošljavanje Kantona Sarajevo" Sarajevo za period 01.01. - 31.12.2015. godine;

Za je glasalo 9 zastupnika, protiv 5 i suzdržano 12.

Skupština nije usvojila ovaj izvještaj.

AD-11

Izvještaj o stanju u oblasti zapošljavanja u Kantonu Sarajevo za 2015. godinu;

Izvještaj su zastupnici dobili uz poziv za sjednicu.

U raspravi su učestvovali: Forto Edin ,Ministrice Dautbegović Amela i Pindžo Mirsad.

Pristupilo se izjašnjanju o Izvještaju o stanju u oblasti zapošljavanja u Kantonu Sarajevo za 2015. godinu.

Za je glasalo 23 zastupnika, protiv ništa i suzdržano ništa.

Skupština usvojila ovaj izvještaj.

AD-12

Izvještaj o realizaciji plana povratka u i iz Kantona Sarajevo za period 01.01.- 31.12.2015. godine, sa osvrtom na problematiku obezbjeđenja alternativnog - privremenog smještaja i plan povratka u i iz Kantona Sarajevo za 2016. godinu;

Izvještaj su poslanici/zastupnici dobili uz poziv za sjednicu.

U raspravi koja je uslijedila učešće su uzeli: Pindžo Mirsad i Ministrica Dautbegović Amela,

Predsjedateljica Babić Ana je zaključila raspravu te se pristupilo izjašnjavanju o Izvještaju o realizaciji plana povratka u i iz Kantona Sarajevo za period 01.01.-31.12.2015. godine, sa osvrtom na problematiku obezbjeđenja alternativnog - privremenog smještaja i plan povratka u i iz Kantona Sarajevo za 2016. godinu;

Za je glasalo 18 zastupnika, protiv ništa i suzdržano 7.

Predsjedateljica je konstatovala da je Skupština usvojila ovaj izvještaj.

Rad sjednice završen u 16,06 sati.

Zapisnik izradio
Emir Nalbantić

Po ovlaštenju

SEKRETAR

SKUPŠTINE KANTONA SARAJEVO

Almira Kulovac Šetkić, dipl. pravnik

PREDSJEDATELJICA

SKUPŠTINE KANTONA SARAJEVO

Prof. Ana Babić